

20.00

9 nov. ge.  
6 nov.  
2 nov. rechtwee  
26 okt.  
19 okt.  
10 okt.

Een 'hiete' dag...

**Speulers:**

- Wiebe (W)** knaop van rond de 20  
Arend opgewekte en soms ernstige jonge,  
niet zwaor op'e haand  
\_\_\_\_\_ (heufdrolle)
- Geeske (G)** zien mem; gevulige vrouw  
Jolanda rechtveerdig  
\_\_\_\_\_ (grote rolle)
- Aaldert (A)** zien heit; baos van klein annemersbedrief  
Jan Berend ( bedrief gaot niet goed) zackelike man,  
soms vri'j had, kickt op staotus  
\_\_\_\_\_ ( grote rolle)
- Zwaantje (Z)** de buurvrouw; simpele vrouw  
Hilleke wat een teut/ praotster  
\_\_\_\_\_ kleine rolle)
- Brit (B)** de ex van Wiebe; plezierig maegien  
Tamara \_\_\_\_\_ (kleine rolle)
- Tom (T)** breur van Brit  
Martijn \_\_\_\_\_ (hiele kleine rolle)

Eenakter  
17 + 19  
oefenen  
20 + 21

**Decor:** een tuun in de zoemer:  
decorstok van twie tuunstruken  
bak mit iene hoge, puntige conifeer

**Attributen:** Drie tuunstoelen, tuuntaofel,  
(paresol as et kan om de belochting)  
bodschoppetasse – twie straandtassen  
handdoek - glaezen -flessen/pakken fris  
(nep) bloemstokkien op'e taofel  
neutraol taofellacken

**Belochting:** bij veurkeur wat gelig zoemers locht (et is een hiete dag)

**Kleren:** iederiene in zoemerse kleren, behalve Aaldert: saai pak.  
Brit: wat gewaogd (twie stel kleren), Geeske: medern alternatief zoemers,  
Wiebe: medern (twie stel kleren), Tom medern, Zwaantje: oolderwets  
zoemers+ mederne zwietbaand

( Naodrok leggen op woorden die schreven binnen in heufdletters)

Aaldert komt op mit pepieren in 'e haand. Kikt zukend rond, o.e. aachter et zieddoek. Zuukt Geeske. Gaot zitten en trekt zien strik los. Striekt him es naodaenkend over't veurheufd. Veegt him et zwiet van et heufd. Kikt zo now en dan in de staepel pepier die veur him ligt.

G: (op mit bodschoppe tasse) (schrikt dat A an de taofel zit) Zit ie niet in je hokke?!

A: In mien hokke? (griest) Wat bedoel ie daor mit? Ik bin gien hond.....

G: Zit ie niet op je kantoor !? Hang ie niet an je mobieltien?

A: Nee, ik hang niet an mien mobieltien, ik hange in disse stoel. Et is haost DATTIG graoden.(grappig) In et kantoor lopt et zwiet van et kompjuter-scharm. Et anti-virus is haost in'e soes...

G: (fel)... as IE mar niet in de soes raeken, jow moe'n wakker blieven, want d'r moet wark kommen!!!.

A: (schrikt even) Moet d'r wark kommen? Waor slat dat now weer op?

G: Ik was krek even in de supermark om wat extra fris te haelen en daor heurde ik niet zoe'n aorig bericht over oons bedrief én over jow!

A: Zo, wodt d'r in de supermark over mi'j klets. Veur kletsen is't blikber nooit te hiete!

G: (betien lelck) Ik heurde dat jow een weke as wat leden Willem ontsleugen hebben!!!

A: (minachtend) Ach Willem, oolde Willem. Was al haost 60 en kon gien spieker meer in een plaanke kriegen. Wat moet ik nog langer mit zoe'n oolde kerel?!

G: (fel) Mar Willem het je d'r in de minne tieden wel deurhenne sleept. Doej' gien goeie vakluden kriegen konnen, warkte hi'j haost vuuftig ure in de weke. (lopt onrustig rond)

A: Vuuftig ure in de weke, ja, (verzaachtend) mar dat het hi'j mar een half jaortien daon! Bi'j de resteraosie van de kärke. In dat sekure wark was hi'j een vakman. Van een peer uurties meer warken wodt een meensk niet minder! En wat is een half jaor op een meeskeleven?!

G: (lelk) Mar in dat half jaor vul WEL de winter en et karwei mos in meert ofwezen. Eers had et je geld kost! (schuddekoft) Die aarme man klom morgens tegen half achte in et duuster die toren op. Tussen de middag een half uurtien broodeten en dan weer die hoge steiger op. Wat zal die et koold had hebben as et vreur en wienderig was.

A: (aargert him) Wat bi'j'toch obstinaot, die Willem kan him echt wel redden. Een schoffien in de WW is gien schaande.

G: Weet ie wat ik doedertieden een schaande vun? Dat jow mit de eer strieken gongen, doe die toren d'r weer picobello bi'j ston en daj' Willem niet iens uutneudigd hadden bi'j et fesien van de ofroning van de warkzemededen.